

雲笈七籤卷之三十九

廿九

說戒

新舊雜錄卷之三十九

老君說一百八十戒并叙

昔周之末，紂王之時，始出太平之道。太清之教，老君至瑯琊，授道與于君。于君受道法，遂以得道拜為真人。又傳太平經一百七十卷。甲子十部後，帝君篤病，從于君授道，護病病得除。遂復得道，拜為真人。今瑯琊有木蘭樹，于君二君所治處也。幽王時，老君教胡還當入漢中，過瑯琊。于君得見老君，老君謂于君曰：吾前授汝，助人救命，憂念萬民，拜署男。女，醮酒，廣化，惡人分布弟子，使上感天心，下動地祇。當令王者歡心，而自頃以來，吾遠從千萬億里，觀之諸男女，祭酒，託老君尊位，貪財好色，擅色自用，更相是非，各謂我心正，言彼非，真利於供養，欲人奉己，憎惡同道，妬賢嫉才，驕恣自大，禁止百姓，當來從我，我道最正，彼非真也。皆不當爾。故來相語，于君稽首，再拜伏地，叩頭百下，唯唯告曰：太上從今日

已去，不知當何由去。諸男女祭酒之重罪，令祭酒，簞空活，既蒙道祐，可得昇仙，壽終之後，不入九地下，宰之苦，非但祭酒，復其萬民，萬民無知法，則祭酒之罪，臣之過，答實在於己也。唯願太上赦既往之失，署臣情，將來之善耳。臣于古死罪，死罪老君曰：可正安意，定坐吾恐大道，澆季萬民，喪命一二祭酒，死入九幽之下，不足痛也。吾但念萬民，痛耳。汝當善聽記，錄心中，當為後世作法，則勸諸男女，祭酒，令改往行，從今之善。老君曰：人生雖有壽萬年者，若不持戒律，與老樹朽石，何異。寧一曰：持戒為道德之人，而死補天官，尸解昇仙。世人死有重罪，無益，魂神，魂神受罪，耳祭酒，明奉行之，乃曰：諸祭酒，各明聽天下萬民，無有長存，人生有死，物成有敗，日出則沒，月滿則缺，從古至今，誰能長存者。唯道德可久耳。今月亦善，今日亦善，今時亦善，諸賢亦善，師甲亦善，弟子亦善，萬神，備具，吏兵，皆到，今吾以諸賢，故念萬民之命，故授王甲，禁戒，重律，當三遍讀之，然後說戒曰：

- 第一戒不得多畜僕妾
- 第二戒不得淫他婦人
- 第三戒不得盜竊人物
- 第四戒不得殺傷一切物命
- 第五戒不得妄取人一錢已上物
- 第六戒不得妄燒敗人一錢已上物
- 第七戒不得以食物擲火中
- 第八戒不得畜猪羊
- 第九戒不得邪求一切人物
- 第十戒不得食大蒜及五年
- 第十一戒不得作草書與人
- 第十二戒不得多以書相聞
- 第十三戒不得以藥落去子
- 第十四戒不得燒野田山林
- 第十五戒不得以金銀器食用
- 第十六戒不得求知軍國事及占吉凶
- 第十七戒不得妄與兵賊為親
- 第十八戒不得妄伐樹木
- 第十九戒不得妄摘草花
- 第二十戒不得數見天子官人，妄結姻親

第二十一戒不得輕慢弟子亦寵以亂真

第二十二戒不得貪備財物

第二十三戒不得妄言綺語隔度嫉妬

第二十四戒不得飲酒食肉

第二十五戒不得多積財物傳度孤貧

第二十六戒不得獨食

第二十七戒不得毀譽奴婢

第二十八戒不得破人婚姻事

第二十九戒不得持人長短更相嫌恨

第三十戒不得自習技藝

第三十一戒不得言人惡事猜疑百端

第三十二戒不得言人陰私

第三十三戒不得說人父母本來善惡

第三十四戒不得面譽人屏處論人惡

第三十五戒不得以穢汙之物調戲人

第三十六戒不得以毒藥投淵池江海中

第三十七戒不得褻與宗族為親

第三十八戒不得輕辱他人之尊長

第三十九戒不得自殺

第四十戒不得勸人殺

第四十一戒不得別離他人家口

第四十二戒不得因恨殺人

第四十三戒不得投書誣人

第四十四戒不得自用

第四十五戒不得自貴

第四十六戒不得自驕

第四十七戒不得妄鑿地毀山川

第四十八戒不得惡言罵詈

第四十九戒不得以足踏六畜

第五十戒不得掩人目

第五十一戒不得以假治病

第五十二戒不得看望人物

第五十三戒不得竭水澤

第五十四戒不得評論師長

第五十五戒不得裸形露浴

第五十六戒不得輕慢經教

第五十七戒不得慢老人

第五十八戒不得觀六畜交陰陽

第五十九戒不得調戲于人

第六十戒不得持威勢使人

第六十一戒不得阿黨所親

第六十二戒不得帶刀杖若軍中不從此律

第六十三戒不得多作門戶別離居處

第六十四戒不得起驕恚

第六十五戒不得罵人作奴婢

第六十六戒不得立小使

第六十七戒不得黥奴婢面

第六十八戒不得咒人命死敗亡

第六十九戒不得使人死敗

第七十戒不得亂縱行遊

第七十一戒不得張目視人

第七十二戒不得舌吐向天

第七十三戒不得橫求人物

第七十四戒不得強乞擾亂百姓

第七十五戒不得為世俗人賦歛

第七十六戒不得為世俗人作禮頭主

第七十七戒不得為人圖山塚宅起屋

第七十八戒不得上知星文卜相天時

第七十九戒不得漁獵傷然衆生

第八十戒不得淫泆佻婦別離夫妻

第八十一戒不得視弟子偏頗視弟子當如

其子

第八十二戒不得奪人眼中火

第八十三戒不得馳聘世俗吊問死喪宜密

哀恤之

第八十四戒不得與俗人共相群黨更相嘲

駭

第八十五戒不得欺人成功言是己德

第八十六戒不得擇好室舍好牀卧息

第八十七戒不得譽毀人物以為惡

第八十八戒不得自譽己物以為好

第八十九戒不令驚怕令人惡怖

第九十戒不得與人飲食為好惡說

第九十一戒不得為人往來惡言

第九十二戒不得以誹官中傷人民

第九十三戒不得預人間論議曲直事

第九十四戒不得強取人物以為恩重

第九十五戒不得冬天發掘地中蟄藏蟲物

第九十六戒不得輕行妄遊日月馳聘

第九十七戒不得妄上樹搗菓破卵

第九十八戒不得籠罩鳥獸

第九十九戒不得穿人家屏闥看人家內婦

女

第一百戒不得以穢污之物投井中

第一百一戒不得塞池井

第一百二戒不得欺誣老人

第一百三戒不得妄發讀人書

第一百四戒不得誘狂良人為奴婢

第一百五戒不得積聚財寶以招凶禍

第一百六戒不得貪戀居家

第一百七戒不得藏埋器物

第一百八戒不得破壞見錢

第一百九戒不得在平地然火

第一百十戒不得施糖棘著道中

第一百十一戒不得多言弄口舌

第一百十二戒不得以書字之物自投埋於

廟前

第一百十三戒不得向他神鬼禮拜

第一百十四戒不得多畜世俗占事之書及

八神圖皆不得習

第一百五戒不得與兵人為侶

第一百十六戒不得便溺生草上及人所食

之水

第一百七戒不得與寡婦親愛

第一百十八戒不得祠祀鬼神以求僥倖

第一百十九戒不得為人多作忌諱

第一百二十戒不得自多忌諱

第一百二十一戒不得妄輕入江河中浴

第一百二十二戒不得妄假舉人物以為禮

路

第一百二十三戒不得為人保任券契買賣

田宅奴婢之事

第一百二十四戒不得與淫泆之家更相往

來

第一百二十五戒不得錄毒藥著器中

第一百二十六戒不得作惡厲聲常常喜笑

第一百二十七戒不得為人作辭訟知人官

事

第一百二十八戒不得求密謀之書讀之

第一百二十九戒不得妄鞭打六畜群衆

第一百三十戒不得無故走馬馳車

第一百三十一戒不得以手團食殘齒泉鋪

第一百三十二戒不得驚鳥獸

第一百三十三戒不得向弟子評論人家食

飲善惡

第一百三十四戒不得妄開沈波湖

第一百三十五戒不得自銜治病病家自當

來請求乃可往之

第一百三十六戒不得獨行行與人俱

第一百三十七戒不得為人謀合私利

第一百三十八戒不得廣求寶物

第一百三十九戒不得帶女人入山皆應別

岐異室

第一百四十戒不得叛本逐末

第一百四十一戒當當設供養勿作難易

第一百四十二戒當當念清儉法慕清賢鹿

食牛飲

第一百四十三戒當當慎所投止先行視之

勿所驚觸

第一百四十四戒當當迴向正一不得俗事

第一百四十五戒當當立大意秉志不得雜

犯負違三尊教命

第一百四十六戒當當勤避嫌疑不得欺父

母罔君師

第一百四十七戒當當勤求長生晝夜勿倦

不得懈慢

第一百四十八戒當當勤避惡處勿貪祿苟

榮利

第一百四十九戒當當勤服氣斷穀食為不

死道不得食於飲食

第一百五十戒當當勤避兇人不得棄背朋

友

第一百五十一戒不得每飲食從一違起及

歎吐言其美惡

第一百五十二戒每燒香當為萬姓請願令

天下太平不得為己

第一百五十三戒凡人呼汝為祭酒汝勿顧

畏人自作輕躁為百姓所不足

第一百五十四戒每得人食當當祝願令主

人得福一切飽滿

第一百五十五戒常時無事不得多聚會人

眾飲食狼藉

第一百五十六戒常時無事不得受人禮

敬

第一百五十七戒若入他處必先問賢人善

士當親依之不得自負

第一百五十八戒若入他處必先問其國所

禁忌

第一百五十九戒凡入人家必先問人家尊

親名諱

第一百六十戒凡至人家不得希望主人飲

食

第一百六十一戒不得與女人同行

第一百六十二戒不得與男女冥室中共語

第一百六十三戒凡衣物不得過畜三通

第一百六十四戒凡男女不得共坐食飲交

手授受

第一百六十五戒凡天時災變水旱不調不

得患獸及其評議

第一百六十六戒凡居世人並惡多善少不

得他他道自護法

第一百六十七戒若人有罵汝汝但聽服不得應答

第一百六十八戒若人侵謗汝汝但當自啓白大道不得憂怖以損精神

第一百六十九戒若人以惡向汝汝重以善往報之不得怨尤

第一百七十戒若人有持物與甲而乙不得不得便恨人不與已

第一百七十一戒若人為已聲譽勿喜為己毀辱亦不得嗔怒

第一百七十二戒若人為已殺鳥獸魚等皆不得食

第一百七十三戒若見殺禽畜命者不得食

第一百七十四戒凡食物見糞敗不得食

第一百七十五戒凡不知所從來物不得食

第一百七十六戒不得絕斷眾生六畜之命  
第一百七十七戒若能食菓最佳而不得食  
向王者  
第一百七十八戒不得言已能崇賢重聖吾

當度汝汝遇真仙

第一百七十九戒若行無居家可投便止宿樹木巖石間諷誦一百八十戒文神自營衛汝三重兵賊鬼虎不敢近汝不得少有怠慢

第一百八十戒若行戒不犯犯即能悔改往修來勸人奉受念戒不念惡廣度一切五拜神真成汝清志不得轉退

老君告弟子曰往昔諸賢仙聖皆從一百八十戒得道道本無形從師得成道可師度師不可輕弟子稽首拜受命而退

老君說五戒  
老君曰是五戒者持身法之根善男子善女人願樂善法受持終身不犯是為清信得經得法求成道真於是尹喜聞受說已再拜而問何故有五

老君曰五者攝一切惡猶天有五精以攝萬靈地有五行以攝群生人有五藏以攝神明戒者防也防其失也失而不防則三塗及逸天人虛空是故五也尹喜曰大手戒也何故

失也

老君曰本得無失而得亦無所失本得無失

為前身過去已得此戒故於今身而無失也而今身有失者前身無戒或有而違犯故有失耳雖有失而於今得受持者則見

生無失復身復善故說失而得亦無所失前頌云世世受大福即此義也尹喜所問一失而併舉二失答之是對其後問頌顯

前身此生復身也明人稟道本自無失義見經中

老君曰五戒者在天為五緯天道失戒則見災祥在地為五嶽地道失戒則百穀不成在

數為五行五數失戒則水火相薄金木相傷在治為五帝五帝失戒則祚夭身亡在人為

五藏五藏失戒則性發狂

老君曰是五戒於此而順於彼故然戒者東方木也受生氣由於長養而人犯然則肝受

其害盜戒者北方水也太陰之精主於閉藏而人為盜則腎受其殃淫戒者西方金也少

陰之質勇士員剛而人好淫則肺受其珍酒

戒者南方火也太陰之氣物以之成而人好酒則心受其毒妄語戒者中央土德而人妄語則脚受其辱五德相資不可虧缺

老君曰此五失一則命不成是故不熱者乃至無有熱心不盜者乃至無有邪取不淫者乃至無有邪念不飲酒者乃至無有勢立不妄語者乃至無有漏泄如是可謂成也

老君曰戒中淫酒能生五惡戒者戒惡也世之男女淫淫罹於骨肉上慢下暴毀滅天德沈醉爭訟禍命辱身妻散欺誑因有所由六觀相盜非但於他煞害眾生利養身口如此

等輩見生受業永墜諸苦備加五惡無有休限如有出者當在邊夷短命傷殘夫婦醜惡及不貞廉貧窮凍露在處不安如有財畜為人所奪言說不信人所不觀慮慮塞眾所慢輕

化胡經十二戒

老君曰戒之不飲酒常當莫念醉五聲味相和混地亂正氣戒之不食肉心當莫念熱合血有形類元氣

所養活

戒之勿罵詈言當禁呪舌罵人為自罵咒人為自殺戒之勿欺詐言當有成契欺人為自欺華詞為自誓

戒之勿為盜見利當莫取所利為賊罪貪利更相害

戒之勿淫淫常當與色絕陰形相感動子命為夭折

戒之勿慳吝有物無過惜富饒當施惠慳貪後受厄

戒之勿剛強當可自屈折強者必先摧剛者必先斃

戒之勿視聽耳目當常閉遠視令精散極聽神清亂

戒之勿言語其口常當吸語煩則實系多言則有失

戒之勿患怒心當莫發金木水火土五行更相伐

戒之勿淫祀邪鬼能亂真但當存正念道氣

自扶身

修齊求道當奉十戒

第一戒者心不惡妬無生陰賊檢口慎過想念在法

第二戒者守仁不熱懲濟群生慈愛廣救潤及一切

第三戒者守真讓義不淫不盜常行善念損已濟物

第四戒者不色不慾心無放蕩真潔守慎行無玷污

第五戒者口無惡言言不華綺內外忠直不犯口過

第六戒者斷酒節行調和氣性神不損傷無犯眾怒

第七戒者不得妒人勝已爭競功名每事遜讓退身度人

第八戒者不得評論經教善毀聖文恭心承法恒如對神

第九戒者不得鬪亂口舌評詳四輩天人各恨損傷神氣

第十戒者舉動施為平等一心人和神穆行  
常使然

說戒論

海空智藏經曰譬如有人持漆槃欲渡大海  
爾時海中有一魔賊即從此人乞索漆槃其  
人聽已思惟念言我今若與必定沒死於是  
答言今者魔賊汝寧然我漆槃巨得魔賊復  
言汝若不能全與我者思惠其半是人猶故  
心存不與魔賊又言汝若不能惠我半者請  
願與我三分之一是人又言寧當俱死終不  
與槃魔賊又言唯願大惠哀愍我等施我手  
實是人思惟即自念言是我寶者終不與汝  
魔賊又言若復不能與我寶者我今飢窮眾  
苦所逼願當濟我如微塵許是人復言然我  
今日方當渡海不知東西近遠云何若當與  
汝我今身者大海之難何由得往又恐中路  
沒水而死恨復何及善男子真人童子護持  
禁戒亦如彼人護惜漆槃不與魔賊善男子  
真人童子如是守護微妙淨戒亦復如是魔  
賊又言汝當信我終不相欺但捨漆槃護持

餘槃以是因緣令汝安穩得至彼岸其人爾  
時應自念言我今寧沒海中終不毀槃魔賊  
又言汝若不能毀漆槃者可欲汝毀手上寶  
珍以是因緣令汝安穩得至彼岸如是其人  
亦復不毀魔賊又言汝若不能捨手寶亦可  
捨汝明珠以是因緣令汝安穩得至彼岸爾  
時其人亦復不捨爾時魔賊思惟良久反面  
而退於是其人乘漆槃行得到彼岸思惟念  
言我今行者魔賊來難我執漆槃堅固不捨  
得到彼岸當由我心牢固不捨如是漆槃手  
寶明珠足下金鑄護持堅固起造成庫安著  
寶槃善男子海空智藏若有眾生護持海空  
微妙淨戒堅持牢固亦如其人護持寶槃亦  
復如是矣

雲笈七籤卷之三十九

雲笈七籤卷之四十

仕十

說戒

說百病

老君曰救災解難不如防之為易瘵疾治病  
不如備之為吉今人見背不務防之而務救  
之不務備之而務藥之故有君者不能保社  
稷有身者不能全壽命是以聖人求福於未  
兆絕禍於未有蓋災生於稍稍病起於微微  
人以小善為無益故不肯為以小惡為無損  
故不肯改小善不積大德不成小惡不止以  
成大罪故摘出其要使其所生焉乃百病  
者也

- 喜怒無常是一病
- 忘義取利是一病
- 好色壞德是一病
- 身心係愛是一病
- 憎欲令死是一病
- 縱貪蔽過是一病
- 毀人自譽是一病
- 擅變自可是一病
- 輕口喜言是一病
- 快意逐非是一病
- 以智輕人是一病
- 乘權縱橫是一病
- 非人自是是一病
- 侮易孤弱是一病